

白
華
前
稿

白華前稿卷第五十六

南淮 吳省欽 冲之

古今體詩荆北集一

湖北之名昉於宋其時襄均房隨鄧五州隸京西
黃蘄二州隸淮南興國軍隸江南乃岳禮辰鼎四
州皆在其境故曰湖北路曰荆湖北路今湖北諸
境於東西北已廣於南已縮無與於湖而湖界之
視學所至宜釐其實若湖南編集者則直云洞庭
不必云荆南體例如是爾

展重陽日習庵雲椒涵虛芷塘耳山及舍弟集

約軒聽雨樓枉餞分得九言體星字韻

古樓聽雨幾輩移牀聽雨疎雨密雨脚涵四溟樓中之
人屢易樓不易逍遙公自今歲來居停爲言怕對新雨
戀舊雨雨勢欲散微舞微歌伶於時雁聲排雲似鳴觴
此地菊影照座如懸鈴登高高會聯袂合重作豈必絲
豪竹奮鬪莎廳同年之誼加以前輩重招及瘞弟投轄
時旋局調辛適鹹一一羅饌具濁賢清聖各各繙酒經
亦知三年分手去卽反起居眠食瑣屑煩丁寧居前不
軒居後復不輕文淵每慨身世成拘囹吾儕蚤歲伏案
弄柔翰徵幸天祿藜火光分青鵠鵠栖枝鷗鼠飲河水

祇恐華髮不待飄星星乘軺出使此職雖易塞士風文
體孰自垂模型孰讀三墳五典號博物孰悅周公孔子
能通靈往予仗節兩川厯五載深懼俯仰阻越羞大庭
卽如樓中主人昔開府何若登樓琴酒傾長瓶茲行擁
傳席幾筮无咎武昌魚腹書可浮廻汀

重過遂平王氏園亭次壁間筠心學士韻

鄂桂經還往鴻泥戀此佳皇華重珥節隱菊故緣堦
菽逢時賤芻蕘報績諧

時考城河
工將竣

汝南名士盡月旦眷

同儕

眯眼勞塵漲無心款洞天桂香含蘚潤柏古纏藤圓闌

竹猶交蔭餅花未凍泉今宵過月采分外鬪幽妍
漸喜王程近多嫌客累增園官勤菜地山鬼避松燈埽
壁紗籠富千霄綵翰憑祇餘三宿感回首問南能

課童薪牆根老穀

莎庭埽畫陰連根走長臂張王依斷垣不解弄鉤刺主
人譽其嘉便作十年計縱非梁棟任猶感婆娑致窮冬
悽緒風病葉堆滿地有辨無辨問辨識闢園吏佩之可
不迷刻之亦珍異還驗斑白皮手續代文織否卽付礮
漿揮灑壁窠字更入交會司三幣聚井肆冤哉稱不材
青霞鬱奇氣其喬一枯枝蟹爪入畫意亦能供爨薪樵

童共來覬推動紛霍如折拉十三四愛憎起須臾用舍
信造次惡木復何如適增主人媿若觀松柏姿歲寒積
蒼翠當其炎暑交非不資蔭庇以彼論祥桑天道豈豈
醉試誦鶴鳴篇毋與匪人比

張王推老
穀坡句

潮橋風雪得橋字

此地客魂消會攀柳萬條泥隨風結陣更值雪封橋去
鳥千峯斷歸漁一徑招白浮梅蕊亂青送酒旗飄不夜
占今夕同雲憶昨朝過關誰有伴閉屋太無聊重戴拙
將稿平馱味入瓢終南吟望冷留照影蕭蕭

題關山看月圖送蔣立厓之安西

蔣侯家傍桃花塢壯歲牽絲向三楚楚臺烟景似蘇臺
唱遍銅鞮大隄女漢江春水潑蒲萄滿縣花風蕩不歸
盜數早空游吉火遷資須佩魚度刀長官雅抱詠彈業
百里弦歌化淪浹偶拂黃泥壁上題細論紅錦囊中法
狂生道聽沸如雷作使江湖孟浪才信教衆棄蒙災禍
繆列丹鉛託鑒裁跡灌靈威旨誅亂偶爾波連匪抄蔓
傾影幾同金谷歸原情特減烏臺案邊樓傳角天雨霜
青韁黃勔親扶將河源亦許窮都賀月色那堪賦謝莊
西京都護三十六指點關城隱雲族願君行處有逢迎
宛馬騎嘶富鹽穀隴種羊皮冠切雲摩挹綠玉彩璫組

贖刑且額將軍請說法還令班第開水天廿載諧文酒
世事尋常幻蒼狗綠鬢看簪茂苑花立唐家藏張意清
填碧花圖卷
樽槍折武昌柳三年遠戍異長流零雨東歸歲易過瑣
牕笑把生還卷消盡玉門羌笛愁

雅舒松濤雲影圖

春衫藉草碧於水赤日行天夜濤起蒼龍三五挂遙空
嘯作雲英颿縱縱雲來雲去裊一絲因風斜冒松樹夜
玉笙掩抑吹不散涼痕委地沈華滋我生栖飲恨非鶴
萬里襟期稱去寥廓勝賞須尋軒后都雅懷且當通明
閣古澗荒崖深復深消搖散髻坐忘簪丈夫意概要如

此雲自無心松有心

鏡師醉月圖

璧月墮良夜綠蘿寒影來玉壺買春酒言藉石牀苔稍
喜道心定始知塵路閒奉匱復攜笛有美笑紛陪

陳研齋觀察於己丑夏遊銅梁之明月湖湖已
廢而清景如畫有詩紀之後領是郡邑令貴
蓉湄逢甲午仲夏刻前詩於壁竝爲治湖研齋
續圖徵和時蓉湄以病謝去將至襄陽故未
及之

巴東川瀨險天成難得官湖鏡樣平好趁銅梁明月影

權歌間譜竹枝聲

石橋穿去淺通溝夏木陰陰轉栗留射鴨撈鰕無不可
忽看浩蕩沒春鷗

爪跡模糊鬢色蒼宦情祇似水雲涼孤亭斗大烟波遶
贏得詩牌挂夕陽

漢江江水碧差差山簡來游又一時悵望盤湖人到此
忘機魚鳥話相思

重光赤奮若

上元前夕集鐵嶺方伯延綠軒

層樓鐘鼓麗中央幾輩靈鼇四吐芒夜色迴浮青桂樹

春風先轉紫薇堂承家舊學評書價成俗新謨選樂章
時禁違犯雜劇作使綺羅人捧盞客情慚愧主情長

酒鱗紅映玉壺激仿得錢唐買放燈蜀市舊游容我話
米家故事向誰徵情如野草冬經燒格較寒梅老耐冰
卻指將圓未圓月祝公緩到殿中丞

十七夜同帖齊戶部秋漁禮部蓬心少林兩司

馬集餘庵太守祁齋疊前韻

飯稻羹魚此未央東郊昨報轉勾芒尚留火樹銀花夜
其上廉泉介石堂星散故人寬禮數風流太守露文章
滿城簫管如雷沸難得談諧數漏長

彷彿前宵月色澄長奴隨例簇春燈且紆曼衍魚龍戲
竝話豐綏菽麥徵官事未填宜對酒俗緣乍埽稱懷冰
竹谿逸侶開圖在好倩漁洋老畫丞

鄖縣陳孝婦劉氏詩

介推昔從亡有君飢且劬割股啖使飽其事傳或誣髮
膚受父母陳義高訓謨以此爲民坊猶恐名是沽流觀
鄖人傳剔股何爲乎鄖縣一農婦二十頗有餘但操井
與臼不識詩與書脫綳哺我子作羹奉我姑姑病海危
篤信醫兼信巫昨日典一釵今日鬻一襦來日剜一縷
宛轉調藥鑪噉此疾少差舉室騰跽跽詎知膏肓間二

豎藪厭遁九死無一生中夜空躊躇焚香籲南斗闐然
入我廚析薪溉釜鬻老婦亦鑒諸臂者肢之末藏者精
之儲爲效勝參朮爲養珍膏腴劃然出我肝盤血紅模
糊纏腰三四重羹定捧以趨其姑飲遽畢如木經春蘇
其婦痛轉殆如燼經風噓氣息僅奄屬神鬼終持扶不
煩萬金藥創口如聯珠裹頭聚一堂拜舞相雍愉里長
舉其孝春酒提兩壺縣官軫其孝春膳供兩諭買田三
四雙耕養收官租婦孝尚如此子孝當何如奈何膝下
人德色緣獲鉏所可助者順不可及者愚姑惡復姑惡
盍聽啞啞烏

送立厓湖筆荷包京刀

少年懶賭紫羅囊
力筆羞同俗吏忙
卻爲故人出三物
春風楊柳度西羌

棄繻縱擬去從戎
還念毛錐舊策功
餉爾吳興三數管
高昌子弟解華風

戈壁漫空整短衣
天山春盡雪停飛
腰間攤手唐裝在

猶記

君門引對歸

唐志荷囊荷訓佩讀
若賀今讀若何誤

鴨頭春水綠灣灣
弓箭防身出漢關
要把鵝鵝膏淬影
一時齊唱大刀鐶

楚試事向始德安予名其院門曰風始

歌騷祖靈均取義不淫亂一時宋唐景才藻挖南甸風
流師弟子都可語羣怨其先倚觀儔惜未操觚翰春秋
尚辭令屈鬪著旨傳疆場尊俎間於楚寶惟善假令被
聲詩詎止錄江漢江漢詠休思秣馬待申且是爲迎神
篇九歌發波瀾文狸與赤豹一手見條貫誰謂楚無風
莫致起予歎鄙人乘使輟此部首過按三槌敞戟門聯
睽目擁看采錄苟不良逐臭適諸縣惟文乃銜華惟質
乃立幹持將式南紀行水妙渙渙謀始占必從順風呼
較便聲音起人心努力審貞變聞詩卽聞政孔思夫思
過半勿令凡鳥題庶作他邦冠

澗州試院浴戲示少林同年

鎖院風和漏宰連
澗川童冠似沂川
朝來豈止彈冠好

是日換季十斛衣塵百沸湍

睡痕尚怳酒痕明
一道溶溶手旋傾
魏我身非郭聞喜
無人傳作白鬚精

稽天夢澤擅南州
擬挾春鳧伴拍浮
回憶校書藜火晚

浴堂祇在殿西頭
武英殿浴堂
今爲藏書地

故人管內有溫湯
自別華清到未嘗
他日解衣小槃薄

不須濯足羨滄浪
少林率應城
言境有溫泉

新霽望白兆山擬改名碧棲

統志白兆山一名碧山下有桃花巖李白讀
書處在安陸縣西三十里湖廣志安陸縣西
大安山白婦翁許紹家此按白婦爲紹女孫
志云婦翁誤白固有白兆山寄劉侍御詩而
又有詩云問余何事棲碧山則碧固山名由
白至此故名白造如武昌之吳造峴以孫吳
得名後訛白兆耳擬曰碧棲系舊名系白詩
也

兼旬伏文案一雨百懷廢佳晴報早衙如鏡照春黛稍
遲蠟屐登且從拄笏對亭亭入座來想見謫仙態謫仙

終非仙爲選劉綱配晏然遇相攸雲夢土作又巖上桃花然巖下桃花醴雖然羈旅身光醖冠時代有如漢東珠一顆輕百琲我昔歷大匡仙迹付茫昧著籍說傳疑讀書足養晦茲山謚白兆於義鮮衷裁得非以白名轉音聽斯詩往例徵諱賢流風準遺愛不見碧山翁斷章義猶在行當發西郊經臺吸金漚矯首揖長庚超遙謝塵塊

附 壬寅八月安州碧栖山作

休寧戴引光 友衡

昔我歷古黥言訪桃源路源窮山窅然一碧暗花霧由傳謫仙人覽吟七言句茲邦古安黃城西一峯露

上有桃花巖流水遶芳樹亦云白造此憩跡三霜度
又聞大安山一舍此相距堂堂譙國家貧贅得小住
獻歌別有天栖止異流寓因之謚白造似賀茲山遇
楚音混齒舌兆造競傳謾譚賢稱碧栖一洗六州鑄
去年春風前蠟屐阻飛澍今年秋雲裏拄笏想幽步
爲攀空翠凝莫裊亂紅雨礪壑渺夙緣風流足遐慕
如何漂泊蹤徧地躋爭附行將歸黃山重渡問津處
白兆山一名碧山去年春白華師行部至以兆爲造
之謚舉白詩問予何事栖碧山句改曰碧棲因憶予
郡縣縣碧山山麓有桃源亦傳是白吟覽處邵城西
亦有太白問津處皆以郡志載白訪許宣平至新安
故爲附會第尋歷所在不得云栖白
贅於安州之許其栖此轍爲可憐

龍教授鑄送梁髻藥

腦未冬烘齒未搖
治龍尊社酒盞分拋
旁人怪我吟髭冷
雪點叢根漆點梢

膏面薰香少小同
記曾鑄白對青銅
誰知下體分詩菲
嫉惡從嚴便不公

點墨調鉛十載餘
浸淫大宅望全廬
免冠試捉蓬鬆影
也媿臣今不中書

廣文梁肉想無多
六十公然不似婆
籠袖刀圭忙乞我
來朝請看竹緣坡

望樊山雨中不得渡

舞陽侯有母傳說葬山間復起吳王殿泠泠六月寒暮
鐘花草盡雨笠釣遊難留待晴鳩喚春曉上木蘭

黃州得孔舍人

繼陳

書竝張文敏墨刻及所書

玉虹樓帖

江魚潑刺鳴魚腹剖尺素素書細如蠶上言闕良晤中
言遺宦情高堂日遲暮下言選妙書鏤刻示貞獲飛白
形勢蟠硬黃精采露魏晉及宋元淵委恣沿沂吾鄉二
文敏相繼振高步聲名稱官職妙墨稟天賦賤札弄舊
家碑版照行路是稱雲間派五緯象昭布以君詩禮門
天瓶女斯女金瓢空自哀玉鏡幾曾顧惟餘翰墨緣對

客誇佳壻謂當貢玉堂如飛手堪措閣帖王郎編禁扁
韋公署家雞是婦翁餘子直野鷺張懷瓘可佔殷鐵石
已庶而何困禮闈南宮艱一遇中書不中書懊惱六州
鑄還轅甘息陬林翠落軒戶日晴事鉤摹萬道玉虹吐
六丁來護持毫髮有真趣爬羅及近賢追摹在獨寤了
非優孟冠儼作劉鑿塑一波間一磔想見奏刀處靈芝
黃鶴仙地下或舍如人貌惜榮名諒黃金石固與君別
十年壽世魄無具握管如排籤腕底殆沈痼幸藏孟舉
牘得補香山庫不見馬鄱陽法帖系條疏報章乏瑤瑛
希入魯詩故

武昌西山雜詠

炎精惜三分是邦建吳社巖居邀衆涼何代改蘭若猶
勝銅爵春零落鄴臺瓦

右避暑宮

手掬洗劍池脚踢試劍石礪礪千萬稜雷火峭一劈君
看斫案時亦解提三尺

右洗劍池

樊港納羣湖潭潭九十九江船蕩擗一叱入茲口嘉
名錫吳造黃櫨比數畝

右吳造峴

明統志作吳王峴据蘇詩也應從水經注太平寰宇記作吳造

一軀文殊師供自八州督白泉落山頂分付戒僧浴更
釀醪醖花洒然六塵沃

右菩薩泉

杯湖劣一杯笑覆掌中物孰要聲叟遊盤環棄華絃無
復紅荷花題詩語先吃

右杯湖

入山惡平直穿逕如穿珠珠光媚四照軒豁呈江湖愴
焉坐移日此亭何可無

右九曲亭

嶺下排萬松其風搏羊角架閣住上方濤聲聽翠邈世

無陶隱居浩翁我願學

右松風閣

人苦長夏熱我愛長夏寒
谿流沁蒼雪碧葉光團團
臨流不可漱顧我衣裳單

右寒谿

漢陽局院連食鮓魚作

櫻桃楊梅紅滿籃
餞春迎夏羅幽談
連朝食指解掀動
潦倒杯炙吾寧貪
庖人治庖走相報
謂有莘尾穿青鱸
圓鱗箇箇玉華暈
細骸縷縷銀針含
鴨關磯頭潮不上
嗟爾何自來江南
江南瀕海富水族
或鹹或淡區食盪

此魚名擅富春消吳淞所產爭猶堪非時則潛得時見
振奮鬚鬣波汪涵網師撒網悄如鬼入網帖帖如眠蠶
惜鱗護鱗就死所未敢潑刺跳再三豪家一箸萬錢擲
款門輒應收廚竈芳鮮腴美透真際平叔緩嚼領隻鱸
一魚特薦萬魚伏更特糟粕裝罌觥小兒祝哽詆多骨
鄙等食肉顏爲慙坐中有客目未識當飭之釋相研覃
全蒸要遣衆香徹熟煮更選羣方參苦求味俊不求爽
下視芻豢欺螺蚌雖無三尺屨亦屬每到四月飢難夢
題襟抱甕涉漢上頓頓饕餮心魂耽古人好事不我見
武昌碌碌珍魚甘

桃花夫人廟

露桃風面映朱甍臺柳腰肢不共傾猶勝洛陽行酒夜
暗夫聖主語分明

石亭制府送乾雪蓮花

錦函涼送辨分攢縱到裁眉采亦難清淨試從蓮性悟
空鬆還把雪痕看根如芝草何年種蕊是瓊花有客餐
放眼白毫光世界尚留此物稱高寒

紫碧丹青闢格新華峯十丈也侵塵修成霧谷冰雪骨
拔得拖泥帶水身出世詎容圍繡幕當風可奈墜華茵
莫嫌蕊縮枯蓬影曾對金燈禮玉真

不鬢不粉不連房翠羽交鱗如未嘗一朵怒擗陰習底
孤莖疑倒陸池旁當天雨露生前恨特地精神病後方
回施願門作供養水晶宮殿祇尋常

幾堆晴霰落驚霆火宅溫膺接杳冥別味故應登藥錄
問名那肯載花經山凝太古心同靜座涌諸天法倍靈
吟付雪兒歌相府綏桃海棗等延齡

沖泉方伯以惠泉水瀾火前龍井茶

龍泓雖一泓四面吸湖淥未邀桑苧嘗品第漏前錄山
靈雅好奇有樹奮幽獨檀茶研異名旗槍出全族力爭
穀雨先焙此一痕綠豈知馳驚心惟日恐不足乍逢社

酒治將屆禁烟熟昌丰諸士女羣采偶盈劑還家作去

清明一闕盡扶服封題走四方殄暴使眉威維藩吾故

人半載喜聯躅幾回黃江流言失真面目難得惠山泉

方舟遞數斛方圖池略同文武火可督滿碗瀉冷冷芳

芽細于粟何如坐松庵鑪風試文竹鰕生薄滋味無意

飽梁肉念茲有惠泉名肇象山陸荆門有陸子惠泉欲興調水

符不中浣腸腹以冲導太冲龍井一名冲泉冲之予字是豈僅醫俗

蟹眼候漸圓釵頭淪頻續莫誇蒙頂煎漫數武夷局裁

我紫被堂夜夢落巖谷安得喝水來種茶傍黃鵠

少林以和冲泉方伯聽得樹軒兼賀生子詩見

示記抄春留宿時三閨月次韻

曾勞館吏候迎門
眠住山衙賦小園
擗筍穿花高透屋
暗泉涵露遠流邨
十年從政排詩卷
五夜談心託酒尊
今日矮箋傳吉語
桐孫添閨護金萱

幾時出拜衣紉荷
乍試啼聲上客過
人到含飴清畫永

俗能割股

謂義重張桂

惠風多高會上第
留喬木吳楚連郊

俞旅禾遙憶漢南
生意滿任他庭樹
影婆娑

研齋觀察於署齋構孟亭摹像索賦

落日蔡洲岸懷人
方悄然荒亭記名
姓遺像過雲烟秀
句出寒餓隱心留
石泉多君標勝賞
不藉郢州傳

安陸府東

偏亦有孟亭及像係後人所託當以襄陽者爲正

葉忠節公祠

公諱映榴字丙霞一字蒼巖上海新場人今隸南匯以順治辛丑進士改庶吉士歷工部主事視學陝西湖北督糧道參議康熙丁卯五月裁兵令下百總陳夏包子卽夏逢龍倡亂劫巡撫柯永昇去柯乘間自縊公時權布政使卽計護陳太夫人由水溝出陞蹇自刎事聞贈工部右侍郎踰年賜諡忠節祠在江夏金粟庵有像

三藩新刻後樞府議裁兵符牒飛千里弓刀照一營有

人呵釋甲賦露刀剛柯署襄陽總無計慰呼庚震瓦礫

座上濺階鬪血橫渡傳荒谷縊遂學夥頤鳴時也重圍

閉公乎五印擎遣奴潛奉母拜表特差伴禮親升朝肅

仁山晒刃成九重垂悼問再世被哀榮子勇以廢至知府芳

詹員外郎孫鳳忝接鄉關迹虔窺冊素名海榴繁應兆

毛廕內閣中書公生時庭中枯榴石荀曠鍾英石荀里玉署曹司改冰

盛花故以為名壺校勘精軍儲三楚最賓餞一時傾竹垞集有送乍攝

徽垣貴徒聞草澤驚土風園悍卒官事憤荒傖大義從

容就孤忠慘澹評草庵金粟影罪表縞衣聲何處靈旗

白雲有洞
一
颶青霞鬱鄂城

黃鶴樓歌

黃鶴樓乃是市廛之紫府琴酒之丹邱謫仙一拳搥不
碎崔郎七字萬古使人愁樓高阜如錐樓圓偃如蓋日
月挂檐端江漢瀉檻外俯仰始知三極寬藏游翻詫八
牕大小別大別邈邈來瑤臺夏后安在哉洞庭岳陽落
雙掌況復噪磯蛟浦東望金銀一氣連蓬萊子安朝眞
鶴爲駕風御泠然拂樓下鳳凰鼓瑟鸞吹笙中有簫聲
裂雲幄或云費文禕歸家覓華表流憩六虛間白雲飛
縹緲或云荀叔禕任筆親記之費公厄兵解焉足供談

資我聞披羽衣人姿出塵手操橘藩作畫工絕倫
呂翁世不辨塑像乃及南柯身又聞黃鶴卽黃鶴
鄂州名互屬地志紛傳仲若居東巡開宴史續讀
鄂之
山或以爲戴顓所居然顓居京口黃鶴
山故宋文帝謂東巡日當宴戴公山
鶴耶鵠耶傳未
真何況乘鶴仙之人不如登樓逕買白壺醉醉後玉笛
喚醒壺天世界涵長春

白華前稿卷第五十七

南涯 吳省欽 沖之

古今體詩荆北集二

苦熱退谷中丞屢遣襄陽西瓜

荆楚居國南火維擁厓窟驕陽禁伏雨作氣更償厥顏
懷樹鮮採兼利井華掘一杯救車薪炎景轉蓬勃何來
磊落姿名著歐史曰厥初奚契丹得自破回紇結棚墜
牛遺荷鋤覆狐捐碧絲蔓紛挐青瑤膚肥脂抱歸顛未
勝剖試裂已猝縱橫十字排肉好一環揭含瓢隱隣隣
流汁咽汨汨房芝脆弗如莖露湛未竭彼屬繁有徒聊

補菜茹闕粳粟應星精食以幽七月侔色辨黃紫降種
判胡越殆將佐哺餐那必解煩囑我公能鎮心了不屏
參謁連車亟惠我云昨襄水發瀾激異凡瓜坐使涼沁
骨想因陰澤稀厚實產沙塢抑由地力凝嘉蔬占耕岱
和甘召寸衷斯理在芒忽願得年順成徧逮庶人醜賦
詩報見投及代感難沒

周青原舍人至鄂示辛楣前輩贈行枉憶詩次
韻

千里栖栖色倍和白鹽赤米計云何好陪軍府南樓坐
漫放騷人北渚歌官比黃楊交閨縮跡同蒼隼出塵多

因君四十飛騰近雙鬢憐余分外歸

幾回天上聽雲和彈罷祥琴意欲何玉殿圖書傳簡問
草堂衿佩聚絃歌纂言記事歸 朝遠搗石摹金證史
多聞道授餐如寄祿陔前鶴髮未全歸

趙閔貞畫牛飲鍾馗爲王別駕

齋

願不願趾不趾神不神鬼不鬼本是人間下第人博得
鬼門稱進士卻不能注人生又不能注人死圖成嫁妹
與移居以鬼爲糧豈其理閔生妙手工白描曾貌入亡
魂頻起貞父母早亡求遺挂不得心想手
草落紙惟肖遂以白描名於時忽開倦眼
對鍾馗不令人憎令人喜以手戟鬚髭厥唇一童奉酒

吸如水其一擲杓深插缸彷彿雙臚注缸底其一提壺
斜灌喉落肚無聲行醉矣小兒之鬼名曰魃鬼國同登
醉鄉美赤豹文狸狀太獐涼衫重戴靈堪使爲君掩卷
一適然姑妄言之耳須洗

箴齋觀察送竹圓几用東坡送謝秀才竹几韻
上座來圖太極真勾圓莖節認前身圓頭驅蠹忘形伴
圓臂呼盧得意人屈折勸教方樣毀安排錯喚小名新
小名錄俗謂竹
几爲竹夫人挑燈細驗浮筠采好友憑依似爾親

喜雨和退谷中丞韻

自閏五二十五日不雨將以七月二十五日

按赴荊州先二日癸亥雨甲子復雨入土徐
而甚深中丞招餞之次出詩八章謂今年槐
花甚盛故艱秋澤蓋燕齊間占法云

六旬露坐汗翻漿孤負琉璃八尺黃珍重玉虛通步禱

乖龍鞭起一時忙

時靡神不舉最後
禱玉皇閣卽應

豈無枯葉打雙關響滴梧桐始破顏憶昨三更勤佇望
繁星猶挂樹梢間

繁露連篇術未工術家求雨先去禁風河西一點銷兵

喜驗在循環亥子中

時河州逆回
蘇阿洪就戮

茅蒲襪襖去襄羊晚菜冬收種待揚莫道和甘容易召

重臣添縷髮毛蒼

幾作油雲幾散陰節過白露熱猶侵

節過白露猶餘熱秋到黃州始解涼

李太連朝不斷迷濛影絕勝坡公號縣心

坡公有七月廿四日以久

不雨出禱確溪宿張縣詩

折簡張筵禮數周若非閏五已中秋須知商旅熙熙處

賣酒開屠各自由

桂挹蜨枝菊灑灰今晨有雨幸無雷

秋甲子忌雨而雨自癸亥始不患秋

也海舉場風景農家令會把槐花數上百回

收禾早晚準蛙鳴

田家占蛙早鳴熟早禾晚鳴熟晚禾

四起歌聲是頌聲

一熟例看天下足

吳諺湖廣熟天下足

阿儂何限故鄉情

天門

絲雨綠楊隄隄邊酒舍迷
澤連雲夢關山盡火門低
禹蹟誣形勢謂三唐音謬品題
欲尋桑梓隱可在畫橋西

荊州郡齋石馬槽傳是漢壽亭侯故物

雷紋炯炯起籀篆鯨脊僵眠作
父段雨淋不泐灸不磷
霞綺連屯悄狐竄牽馬入槽馬駭
嘶房精天駟嘗秣之
畜牲豈識蹴芻罰知有陰令捎雲
旗將軍勇冠人中布
縱轡囊頭洶騰呼絡就金羈抹額
光繫從柳柱拊膺訴
豆粟一石腸一充睫視吳魏無真
雄武鄉流馬詫奇絕
豈若真馬蹄追風上馬鶻刀下麟
史好借荊州牧牝齒

的盧報主義分明髀肉光陰感同此白衣颯颯傳舳聲
將軍解櫪馳麥城一驢一磨勢危絕慘使在廢羣酸鳴
遺阜蒼茫薜蘿堆寸賀表驚心貉奴進物重猶疑畫寢香
疑傳如對壽亭印是邦形勝豎軍旌三馬誰憐食一槽
聞道玉泉風雨夜歸鞍還簇戰時袍

龍山

多少龍山號清游此絕倫但吹烏帽客如對白衣人佳
節隨流水高臺託後塵最憐桓司馬攀送柳條春

松滋

典午僑江縣山山浴練光亂濤浮澗市高岸擁茲方地

僻惟魚鳥秋新已稻梁如聞產靈傑致命縛驕王王佐尚書文

定邑

人

枝江

陳方伯惠榮令此時以枝江官路僅十里而近請免徭役民爲立祠

沱江挂井絡峽峽鎖巫夔暮雨來何處分流騰幾枝政

閒徭更減邑小路偏歧太息中山系艱難飲馬時

縣南飲馬

池傳是昭烈遺蹟

宜都

夷水流夷道羅羅一帶圍亂山飛鳥盡獨縣販夫稀聲

鼓嚴荒邏

時詞提川匪甚嚴

帆檣畏激磯西陵纔百里鎖穴蹟

全非

十二培

十二峯未來十二培直上纍纍土饅頭墳起百餘丈峭
立江一涯虎牙互雄長知是荆所門闔闢儼成象幾家
下峽船有槳不容盪豈知溯洄人牽船頭欲搶紅花套
溶溶青草渡茫茫苦無路可乘鑿險役千掌剗石趾可
乘穴石繩可繼後船踵前船如蝨緣衣幌失勢一退飛
安免飽夔蝟八公拒命初雨簇修羅仗闌櫓化烟灰浮
橋欲何往時平兵燹空路陘風濤莽惟有看山心指頤
狎清賞

宜昌懷古末章題行署

浩浩荆南談上征岷濤挺走怒難平浮橋遠抗田戎壘
東炬高投白起營楚國屏藩新設府蜀天關櫓舊懸兵
下牢關勢連西塞長聽風笳日夜鳴

天險森森落虎牙孤城如帶擁飛霞夔人名號傳譎近
熊子都封考信賒客望黃牛牽暮暮俗傳烏鬼鬧家家
太平休養談何易蠻寨分明趁曉翁

堰井喧闐錯負擔後來文物劇搜探池涵墨彩毫爭落
堂慘梨英酒半酣博士有經傳郭璞諸生無巷訪何參
卽看州印文同異陝陝休貽識字慙

遶霧穿雲唱竹枝金戈起汕失春遲微波落木人千里

冷雁哀援此一時三載兩場竣併考兼旬二郡亟分馳
宜郡連試歲科而施郡亦於此
集試今年施始設棚時將按焉征夫雅荷生成感教補
年前入峽詩

墨池書院

精舍依塵市莘莘學子居競傳元祐客勤課右軍書葉
潤蔬添稜花繁菊照廬若爲春候暖漲墨染池魚
臺下二月間有墨魚傳是郭璞墨點
所化郭臺應在此不在彼予嘗辨正
嘉定
爾雅

絳雪堂在東湖縣署卽宋硤州治歐陽公令夷
陵爲州守朱慶基作紅梨詩因以詩語名堂
今縣志以爲在歐署非也歐署有至喜堂坡

詩所云孤楠一橘者今莫考矣梨以乾隆三
十年縣令林有席補植

紅羅亭子綠天庵那比梨英暈赤鬘白髮郎官春譙簇
綠衫縣令夜吟酣樹經補種捐擔好花戒潛攀插鬢堪
此是醉翁趨府地北軒何處覓孤楠

甘泉寺姜士遜象

後漢書華陽國志姜詩東觀漢記作江詩且
云詩母好飲江水嗜魚膾詩取水溺死婦恐
姑知稱詩游學於是泉出舍側井中旦旦出
鯉以膳與范氏常氏所載小異而皆以爲廣

漢人今德陽有祠及故里予數過之東坡峽
州甘泉寺詩自注姜詩故居放翁入蜀記峽
有孝婦泉惟歐陽公詩自注甘泉寺有姜詩
泉詩廣漢人疑泉不在此然泉與寺宋時已
有而寺門四碑刻忠孝廉節四大字俗以爲
武侯書字勑近人重刻樹之辛丑九月十四
日宜昌陳通守炯雲麓東湖陳尹聯捷方齋
於此送余按施作此以示

打槳挹西陵導行謝饒騎蒼棱斗入江蘿條積鮮翠沿
綠沙岸間雲壑轉幽邃茅店四五家石道八九隧桓碑

三兩重忠孝廉節字斷非武侯書未載放翁記井泉秋
稍枯且破古時寺秋苔綠映簾時菊黃還砌翁嫗踞當
中兒婦肅夾侍傳聞漢姜詩妻龐湯同志有魚躍鰓洑
譜入劇場戲我昔綿維行悲風切酸鼻每疑卿注訛姜
江姓傳異繼讀東觀書亦以江爲系蜀才豈楚材失實
髯可議要惟淫祀鄉賴此激風義明知鄉語誣孰敢撤
其位後堂象伽藍祠僧藉牟利請看江雒源濫觴理無
二當別語邦君箕鋤化譏諱

歸州山道甚劣步行屢矣忽蹉足幾廢以祝由
法治之稍任履動

入蜀經五秋百幘脚雙健舊州十一程峯壑結枝蔓足

賤命斯貴履險學豚圈爲愁行路難豈爲昇丁怨維楚

僻在山丹陽都所建越五十年前按部費登頓厥後裁

併多趾自彝陵良

歸州向設試棚其後移之宜昌而施南遠來附試四十五年施始建棚

施南都人士往歲發宏願願邀使者車資斧省累萬道

同伐號假境異在莒困自過點軍坡不復見平阪後頂

前踵摩左肩右臂遜遠上鵠翎冲倒退蛇跼

蒲鵠鑽天蛇倒

退俱

一輿如萬鈞百夫竭推挽當其直下時萬丈落扶

寸而我雖乘軒曷若跡暫溷奮爲杵臼投挂眼忘利鈍

要將趨捷誇謂可習慣論豈知衰血乘如水潰防堰旋

決苦旋淤攀促坐銜恨湯藥效既迂箴砭術難獻信醫
兼信巫姑聽衆口勸呼童解邪幅取驗等操券聚水祝
所出手畫口徐噴須臾動蜎淵稍稍就履植屈伸類木
強調補益稗販無聊指摘間元氣待湧溢浸淫歸大宅
日日勵餐飯趾壯遂不臧腓咸詎无悶是中如有鬼如
律急行遯

附慰白華師山行蹉足

金山周藹聯懷芳

及晨指秭歸萬險幻殊狀荒林熊虎驕前驅載弮輶
白雲蒸蓬蓬一一涌頽浪砂礫輒馬蹶危棧陡相向
乘軒若乘船上溯三峽漲恣夫腰彎環石磧互撈盪

如猿挂樹梢如蝨緣衣纒昇丁作牛喘揮汗類熱湯
師也憫厥勞跼坐起怙悵竟舍青竹兜下步愜幽汎
有如司馬公肩輿謝俗尚屏顏歷嵩山題字恣蕭放
況昔使蜀時山道劇頑獷不支七尺藤騰踔躡雄嶂
每嗤叱馭人賈勇邛峽上而何腓胸間筋攣血凝脹
躡山異躡堦一蹶那及防股遂占明夷趾詎往大壯
此非華嶽巔腳力等疲喪右者躔未成左者蹙相抗
羨彼陶令籃門生効扶相世罕秦越人投藥懼无妄
維茲祝絲科法自黃神剏悉屏咬咀經并華汲菴盎
叩齒十二通指畫了勾當須臾踞藜牀信屈覺神旺

下堂漸自如升階頓不妨譬諸江河流漫決手難障
標橈淪使疏就下告無恙施州渺何許多士翹足望
行滕昔重繭今始免蹉跎鼓角敞戟門陽春扇條暢
蠻陬好山水腰脚健可仗卻媿習鑿齒著書增蹇亢
不須歌迷陽醉聽竹枝唱

左徒廟

唐王茂元建三閩大夫廟後仍其名子屬王權牧浦寧新之正其名而爲之記

江別沱標屈田存里諱平

宅在樂平里今曰屈田

彭咸齋遠恨昭

景峙高閣屬草恩原洽鋤蘭聽已傾漫求初服返慘送
武關行照影江潭悴離憂郢路縈室申賢姊言朝抄舊
徒迎遂決懷沙計空傳變雅聲葬沈魚腹厚譏清鳩媒

成封墓三湘渺遺區七頃并峽隨神女轉廟始守臣營
山鬼宵闌篴谿谿漁書歌檻禾香還擣玉茅潔孰抽瓊舉
目河山異盟心日月爭桂椒長肝蠶蕭艾太縱橫競渡
遺荆俗投書遲賈生左徒官號儼題罷識宗卿

香谿

峽影一谿橫谿流長杜蘅春風生一面留伴女嬃名
美人抱孤芳拾翠行亦偶掩抑訴琵琶曾是採香手

寂歷衆芳歇谿聲搖珮環至今谿上女照鏡點新斑相傳

谿女代產一殊色

者其而必有一斑

施嬀絕世姿羞唱采蓮好未嫁戀紅香旣葬團青草

秋風亭

今爲寇萊公祠

孤亭百轉逗斜曛爲道秋風勝白雲
山縣無城高樹見
峽江何路斷援聞符移清淨人蒙福
鎖鑰莊嚴史策勳
安得一堆紅蠟影拂簪重與薦羹芹

附
和作

周蒿聯

如雲亭影落江灘疊磴青摩幾百盤
鎖鑰未開邊鎮
重樓臺還切峽天寒遺民淚冷援猶叫
故相恩深柏
竟刊莫倚秋風起三歎東封輦路蚤摧殘

風螭勤依槩得翻字

峽客悲牢落占風午漸暄槩牙紆款款
螭翅趁翻翻動

盪原無準邀尋總弗諼岸邊探幾度篷底夢連番忙似
穿花影驚還褪粉痕箇工窺伎舞舵女誦奴軒栩栩神
如活深深意不言殷勤常共爾好會記南園

春鳴懶避船得機字

放櫂春江闊花鷗照影稀盡切

即忍

陪沙店宿不避岸帆

飛飲啄身猶是猜嫌性獨非倦垂雙翼短問對一漚微
毛羽看長潔心情笑久違早忘羅網害豈戀稻梁肥客
伴闌珊臥人傳欵乃歸相親復相近懶我息塵機

宿巴東

白雲亭不見何況築亭賢水急龍鼉橫風高鶴鶴偏一

寒成峽俗九死落吳船莫惹秋援喚聲聲禁客眠

商寶意前輩佐郡施州有風吹啞磬口二詩取

義啞磬羌無故實也楚蜀訓嶺爲啞而等音

轉磬或作慶頃過其地口占一絕

風吹啞上路鈴竈箐口全非磬口形一自風流司馬過
怕教俗語付丹青

石門

在建始東南
石虎山下

前過石門灘昨飯石門洞稱名襲永嘉峽路抱惶恐秋
風亭畔風神踦恣豪縱山魅當晝逢巖狖帶月送星聯
參井捫境改荆楚控千峯接萬峯骨立塞天空嚮使謝

展臨應學阮途慟惜汝凶啞人高踞屹不動石門三見
告滿窖積陰霑百轉驚尋幢一落怕入甕相對面兩厓
無路許攜從偶然發浩呼四谷響交响盤旋取蛇逕草
樹作髯凍湖嵌關瓏玲雪竇垂乳湮斷連卦畫絲豐殺
衣積縫歷亂堆枯蓬突兀累桂棟昂爲青頭雞倒似綠
毛鳳混沌誰鑿開石髓定纏痛人天調御師爰攝大千
衆光明涌化城萬象歸飾弄莊嚴示佛法清淨息僧夢
貝多葉可書曼陀華堪供沿緣度雙磴金碧暈鞭轡此
界是圓浮出門快飛狂

施州行署戲簡芑洲太守

夷水如羅繞郡樓使君管領漸風流
隱囊沙帽無雙手
賭得宣城太守不

皇華駐馬使臣光第十文風第一堂
一種烟霏排闥好

家山猶自話城隍

射堂前一小山竹樹葱蒨土人謂之龜山亦曰城隍山杭人有城隍山卽

吳山

幾家買犢幾莖詩屬縣按年案涉疑人少石多公莫惱

數通雄采色絲碑

兩峯將按利川勘審匪案予作數碑太守磨待

周顒鹽米載顒柑箋補文房裁瘦相想像主人懸榻後

不教精舍等荒龕

時友衡懷芳偕至太守以瘦木文櫃爲贈二顒子所題二子下榻處

試院前二山其東曰龜城隍廟冠之西曰象耳

土人間曰象牙以耳者牙之訛文復改龜
山曰鼇脊各系一詩

鼇者大鼈耳荒唐立四極從龜不從魚釣自謫仙謫而
何禱昧徒竄取入名籍俗書真誤人欲斷安可得我從
鼇峯來蕩蕩戟門開一峯闕射堂竹樹映妍澤戒旦響
清泠奉香影駱驛雖然靈所震鼈山名久錫孰與謚城
隍未免僭鳬嶧矯首語山靈不如字鼇脊蛟脊忌下拖
麋脊懼旁射莫此枕清江燈山關元夕

右鼇脊山

昔聞象奴言象耳鼠所竄其鼻卷如席其背聳如案其

牙如佛牙萬目競傳看滑澤自琢磨槿初在標幹奈何
良爲占忽作坎爲贊初非熊耳尊孰與虎牙悍一山沿
二名疑獄待誰斷厥勢本峻嶒垂下欲旁獵巖巖枕學
宮岌岌戴靈觀乃知耳與牙滅裂齒堪榮牙錯史注訛
市吏文憑識字乃讀書邦人勿河漢

右象牙山

問月亭

亭在碧波峯其
下爲連珠山

碧波峯隔夜郎東問月傳疑捉月同在手一杯金潑灑
轉喉幾調玉瓏璫清新俊逸人如見瑣尾流離主不聰
憑仗高亭聯勝賞五珠環照夕陽紅

鐵鍾行

鍾在巴東縣廟護以石闕相傳
寇萊公作以鎮江心石秤之險

巴東縣割漢巫縣官舍嵯峨倚江練後堂琢石肖銀牀
護取鐵權精百鍊圍徑二尺高幾層陰陽識款嗟無徵
後賢傳作寇公蹟俾束蛟鱷如秋蠅江心亂磧怒敲鑊
華礪七星桿偏大投炬難隨鎖暗銷沈舟枉遣釜紛破
綠衫邑宰鉉耳才手勅六甲騰風雷漫把牧金成鼎鑄
試從衡石奠樓臺一卷鑄出狀輪囷相克相生露機敏
造物由來秉使鈞相公原不諱稱準當時號令肅黃魔
爾後飛沈滾白波鑰經手筦威名重劍荷親齋整暇多
君看是物真神器苔鋪斑斑照霜砌母教猶傳鈿鍾投

民情應挂紙錢祭濟川偉績彰忠魂奉望西陵江色昏
乾坤鼓鑄留千古疑是蟠泥雙柏根

黃魔神廟

在吡

黃魔殊不魔名不隸祇正血食歸峽間力與黃牛競宏
憲移播州遂謝忠州柄已船掉尾來恍惚致扶迎咸通
蕭拾遺泝江入深阱夢見靈之來懇款達名姓及佑萊
國公已東往從政李寇真相才蕭也死非命大命苟未
傾安穩導烏榜立廟垂至今香火拜嘉慶州西有吡灘
灘勢極兇橫亦名人鮮棄人力失方沅鰈生薄後福焉
敢致祈請神號雖未詳物理且推證魔者聖之敵黃者

工之性克水要在土降魔乃成聖呂梁特忠信蠻貊行
驚散紛紛記載家識小之裁評豈其等怪游或可假神
聽翊我毋我惘然屏我能傾

新灘

峽江七百里兩灘名特豪頃我經洩灘如掌舞一舸有
新故無洩計較纔分毫

洩灘夏險新灘冬險諺曰有新無洩有洩無新

放流及

半晌鷺羽衝飛濤旬旬聒雙耳直戰昆陽塵水爲石丈
掀石爲水府熬峻嶒變奇相爲鬼爲獍猱軒然弄大波
滅頂凶焉逃如逢福悍人隘路爭呼怒官槽在南岸上
水點竹篙爲言天聖間一柱崩六鼇塞江江不流不比

沙能淘趙公誠知是州俾繁雕連尻稍稍去害馬方可
通下牢自冬徂首春江水逢復槽夏令禁行舟汜用休
民勞憚險避從陸放溜高還操果然肖落葉震蕩隨驚
颺孤寒到心膽人命非鴻毛過灘託神佑回首紛牲醪

兵書峽

峽江引如綫峽天展如幅天旋江亦轉顛影變平陸懸
厓拔萬尋怒流就一束坐使川瀆靈窮效阮生哭稍近
境稍開如鏡裂函匱丹黃孕怪偉失勢墮沈綠溶溶軌
中疊左右戒旁觸風毛挂雜樹強半檜松榭磔磔鵲
盤蠢蠢龍龍伏遙指千仞巔縱橫露裝軸縱非兵家言

泊水或須讀推枕颼颼然津鼓震塗毒

宿空舸峽

朵朵巫雲歷岸青青楓江冷酒初醒孤舟如葉燈如豆
不見鯉魚起汕腥

急箭灘流下秒歸月明江暗守蘆碕十年墜雨空冷夢
莫爲哀猿更溼衣

竹枝歌起斷還連十月關河客廢眠留取詩情冠三峽
依稀驢背灞橋年